

56

Na osnovu člana 6. stav 2. Zakona o cestovnom prijevozu Federacije Bosne i Hercegovine ("Službene novine Federacije BiH", broj 28/06), federalni ministar prometa i komunikacija donosi

PRAVILNIK**O POSEBNIM USLOVIMA ZA MOTORNA VOZILA KOJIMA SE OBAVLJA PRIJEVOZ**

Član 1.

Ovim pravilnikom utvrđuju se posebni uslovi za motorna vozila kojima se obavlja prijevoz u cestovnom prometu.

Član 2.

Motorna vozila kojima se obavlja prijevoz u cestovnom prometu moraju pored uslova i normativa propisanih posebnim propisima ispunjavati i uslove propisane ovim pravilnikom.

Član 3.

Autobus kojim se obavlja javni prijevoz putnika u cestovnom prometu mora imati ispisani puni ili skraćeni naziv firme prijevoznika sa sjedištem, odnosno ime, prezime i prebivalište fizičkog lica koje vrši prijevoz.

Član 4.

Autobus kojim se obavlja prijevoz lica za vlastite potrebe u cestovnom prometu mora imati:

- puni ili skraćeni naziv firme prijevoznika sa sjedištem, odnosno ime, prezime i prebivalište fizičkog lica koje obavlja prijevoz,
- natpis "ZA VLASTITE POTREBE".

Član 5.

Putnički automobil kojim se obavlja taksiprijevoz lica u cestovnom prometu mora imati:

- oznaku "TAXI ili TAKSI" na krovu vozila, koja noću mora biti osvijetljena kada je vozilo slobodno za vožnju,
- oznaku sa imenom, prezimenom i prebivalištem taksi prijevoznika i evidencijski broj taksi vozila,
- ovjeren izvadak iz tarife za taksi prijevoz postavljen na vidnom mjestu u vozilu,
- ukoliko se u vozilu nalazi ugrađena mobilna radio stanica umjesto oznake "TAXI ili TAKSI" na krovu vozila obavezna je oznaka (sa obostranim natpisom) "RADIO TAXI ili RADIO TAKSI" i evidencijski broj taksi vozila.

Član 6.

Teretno vozilo kojim se obavlja prijevoz tereta u javnom prijevozu mora imati puni ili skraćeni naziv firme prijevoznika sa sjedištem, odnosno ime, prezime i prebivalište fizičkog lica koje obavlja javni prijevoz.

Teretno vozilo kojim se obavlja prijevoz tereta za vlastite potrebe, mora imati:

- puni ili skraćeni naziv firme prijevoznika sa sjedištem, odnosno ime, prezime i prebivalište fizičkog lica koje obavlja prijevoz za vlastite potrebe,
- natpis "ZA VLASTITE POTREBE".

Član 7.

Oznake iz čl. 3., 4., i 6. ovog Pravilnika ispisuju se ili lijepe sa obje strane vozila i to:

- a) na autobusu - na bočnim stranama,
- b) na teretnom motornom vozilu - na vratima kabine,
- c) na autodizalici - na vratima kabine.

Oznaka iz člana 5. alineja 2. ovog Pravilnika na taksi vozilu ispisuje se na tabli dimenzija 12x7 cm, koja se postavlja u donjem desnom dijelu prednjeg vjetrobranskog stakla u vozilu.

Pored mjesta za ispisivanje oznaka iz stava 1. ovog člana, oznake se mogu ispisivati i na drugom pogodnom mjestu na vozilu.

Član 8.

Natpisi na odgovarajućim tablama u autobusu kojim se vrši prijevoz osoba (relacijska tabla, tabla bis vožnje, tabla za

vanlinijski prijevoz i tabla za ugovoreni prijevoz) ispisuju se štampanim slovima visine najmanje 40 mm, a širine 7 mm.

Relacijska tabla mora imati istaknut natpis sa naznakom polazne i završne stanice, vremena polaska i dolaska, te najmanje jedne usputne stanice. Naziv polazne i završne stanice ispisuje se slovima visine najmanje 40 mm, a širine 7 mm, a naziv usputne stanice ili stanica ispisuje se slovima manjih dimenzija, a najmanje 30 mm visine i 5 mm širine.

Oznaka u taksi vozilu ispisuje se štampanim slovima najmanje visine 8 mm i širine 1 mm.

Član 9.

Odredbe ovog Pravilnika ne odnose se na putničke automobile kojima se obavlja rentakar prijevoz, putničke automobile organa uprave, putničke automobile pravnih i fizičkih lica kojima se obavlja prijevoz za vlastite potrebe.

Član 10.

Pravna i fizička lica, čija su vozila obuhvaćena odredbama ovog Pravilnika, dužna su oznake na vozilima prilagoditi oznakama propisanim ovim pravilnikom u roku tri mjeseca od dana njegovog stupanja na snagu.

Član 11.

Danom stupanja na snagu ovog Pravilnika prestaje primjena Pravilnika o posebnim uslovima u pogledu motornih vozila kojim se vrši prijevoz ("Službene novine Federacije BiH", br. 36/98).

Član 12.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 1284-2/06
19. decembra 2006. godine
Sarajevo

Ministar
dr. **Nedžad Branković**, s. r.

Temeljem članka 6. stavak 2. Zakona o cestovnom prijevozu Federacije Bosne i Hercegovine ("Službene novine Federacije BiH", broj 28/06), federalni ministar prometa i komunikacija donosi

PRAVILNIK**O POSEBNIM UVJETIMA ZA MOTORNA VOZILA KOJIMA SE OBAVLJA PRIJEVOZ**

Članak 1.

Ovim pravilnikom utvrđuju se posebni uvjeti za motorna vozila kojima se obavlja prijevoz u cestovnom prometu.

Članak 2.

Motorna vozila kojima se obavlja prijevoz u cestovnom prometu moraju pored uvjeta i normativa propisanih posebnim propisima ispunjavati i uvjete propisane ovim pravilnikom.

Članak 3.

Autobus kojim se obavlja javni prijevoz putnika u cestovnom prometu mora imati ispisani puni ili skraćeni naziv tvrtke vlasnika sa sjedištem, odnosno ime, prezime i prebivalište fizičke osobe koja vrši prijevoz.

Članak 4.

Autobus kojim se obavlja prijevoz putnika za osobne potrebe u cestovnom prometu mora imati:

- puni ili skraćeni naziv tvrtke vlasnika sa sjedištem, odnosno ime, prezime i prebivalište fizičke osobe koje obavlja prijevoz,
- natpis "ZA OSOBNE POTREBE".

Članak 5.

Putničko vozilo kojim se obavlja taksi prijevoz osoba u cestovnom prometu mora imati:

- oznaku "TAXI ili TAKSI" na krovu vozila, koja noću mora biti osvijetljena kada je vozilo slobodno za vožnju,